

LECTURIS BENEVOLIS

Salutem officiosissimam dicit
et simul

Adolescentem elegantis ingenii optimæque spei

HEINRICUM
WILHELMUM
Sberwein /

Crottendorfsenſem Misnicum,

ad Muſas in Illuſtri ad Salam Lyceo optime florentes
cum fauſto omine dimittit

ac publicis ibidem Docendi Magiſtris, Viris

*Doctrinae meritorumque in Rem publicam literariam præſtantia Clariſſi-
mis, reliquiſque manſuetiorum Muſarum*


Fautoribus ex Muneris lege,
meliorem in modum
commendat

M. CHRISTIANUS FRIDERICUS WILISCH

Lycei, quod eſt in Montibus D. Annæ,

RECTOR.

Annæbergæ, Stanno Richteriano.



*de vagantibus Scholasticis s. non
ſequentium Sigilorum.*



B. C. D.



Um ex mente Tullii L. I. de offic. c.
34. nihil sit, quod tam deceat, quam in omni re
gerenda consilioque capiendo servare constantiam;
hac potissimum, in qua versamur, ætate haud
scio quid ex iis, quæ sæpius in Scholis publicis
evenire, quæque in signe genuinis Musarum Fili-
is afferre damnum videntur, primo loco nominandum sit,
præter inconstantem animum & vagabundum, quo isti, quos
diximus, huc illuc persæpe agitantur. Nos equidem eò in præ-
sentiarum noster haudquaquam fert animus, ut cum Poëta
Venusino Jccium quendam, qui *beatis Arabum Gazis* velifica-
turus

Coëmtos undique nobiles
Libros Panætî, Socraticam & domum
Mutare loriceis Iberis

Pollicitus meliora tendit,
aut eum saltem carpamus, qui relicto vitæ suæ, quod sibi olim
elegerat, genere, omnes in Academiis ordines s. Facultates
velut *ὁ κολίψ ἐν χόρῳ* pervagari, & diu animo in diversa versato inter
manendi abeundi que consilium hæsitare non erubescit, cum
tamen haud ignoret, excurrendum quidem in alias doctrinas,
sed in una habitandum esse, & quasi tabernaculum, prout
DANIEL HUETIUS loqui amat, vitæ studiorumque col-
locandum. Sed in nostrum solummodo descendamus forum,
animo volventes sedulo, quantam sibi suisque literarum studiis
noceant, qui Musarum sedes sæpenumero commutare, & in a-
lias transmigrare Scholas, maximæ sibi & laudi ducunt & sa-
luti. Fuit ante duo circiter, & quod excurrit secula, ridiculum
nequissimorum homuncionum genus, qui Latinis *vagantes Schol-*
astici, Germanis autem *die Fahrenden Schüler* dicti, a SEBAST.
FRANCO P. I. *Sprichwörter* p. 39. Vacunæ litantibus & ne-
quam pauperibus adfoeciantur, & quos HEINRICUS BEBE-
LIUS in Facetiis suis ao. 1505. Argentini. editis, vivo colore nobis
depingit, *sunt quidam, inquiens, Scholastici, qui quum nullius bonæ fru-*
gissint, neque operis, neque studeant, nec laborare velint vagantes hinc
inde

inde mendicando, variisque artibus & illusionibus, atque praestigiis simplices rusticos circumveniunt, dicentes se fuisse in monte Veneris, (nescio quem mentientes, de quo autem legendus est Theophrastus Paracelsus L.V. de Causis Morborum Invisibil. p. 444. edit. Forberg. Kornmanni Veneris Berg e. 14. p. 126. & Jo. Agricolæ deutsche Sprichwörter n. 301. p. 161) ubi omnem Maziam didicerint, pollicenturq. mirabilia. Quorum etiam mentionem faciunt Jo. Pauli in Schimpff und Ernst sub tit. von Doctern und Studenten p. 68. CONRADUS GESNERUS in Onomastico, (qui eos nil nisi Magos fuisse asserit, eorumque numero Jo. Faustum, si unquam talis extitit, Paracelsum aliosque Necromantas adjungit,) MARTINUS CRUSIUS P. III. Annal. Suecic. L. XI. c. 18. f. 653. ad annum 1544. aliique plures. At enim vero hi nihil nobis ad rhombum hic faciunt. Diu jamjam est, ex quo ad malam rem isti abierunt, cujusmodi vomicae & Carcinomata Orbis literati pessima, ut posthac etiam ad Garamantas & inhospitalem Caucasum, ut cum Horatio nostro loquar, abeant precamur. Liceat autem nobis ab his saltem nomen mutuari adfirmareque, istos haud injuria, quos Scholas pervagari juvat, *Vagantes Scholasticos* esse compellandos. Siltimus TIBI, LECTOR BENEVOLE, ante oculos, Vagantem Scholasticum, sed sensu ac spe plane dissimili, felicioris ingenii meliorisque animi adolescentem

HEINRICUM WILHELMUM EBERWEIN

Crottendorffensem Misnicum.

Hic enim Parentis Honoratissimi svasu majorique forsitan Musarum, limpidißimos Salæ fontis potantium, amore adductus, Pindum nostrum, quem per duos ferè annos, inter cives melioris notæ nunquam non habitus, incoluit, relinquere & Illustri Lyceo Portensi civem se dare constituit. Cujus mentem atque propositum a vulgaribus, quos recensuimus, Scholasticis Vagantibus longe diversum, cum nihil sit, quod vituperemus, bonis omnibus piisque votis hunc a nobis dimittentes, publicis ibidem summa cum laude nominisque immortalis gloria docendi Magistris, Viris invidenda in Iuventutem Musis consecratam nec non universam, quaqua patet, Rempublicam meritorum multitudine magis magisque inlarescentibus, de meliori comendamus. Ut ut enim ego quidem de hujus vita antea in Sudetibus nostris acta testis adeo locuples esse non possim, quippe qui non ita pridem hanc provinciam bono cum Deo capeßens, vix per octo dierum spatium hunc me audientem habui. Cum tamen Collegæ mei amantissimi, quos inter Cl.

MUL-

FK 119565

X 296 4234

MULLERUS, Pro-Rector hujus Lycei nostri meritissimus primoloco mihi nominandus est, cujus Doctrina potissimum ex eo, quo hic in Montibus nostris commoratus, usus fuit, dotes ejus ingenii non contemnendas optimo modo una cum Hospite suo perquam Reverendo JO. CHRISTOPH. GENSELIO, Sacro penes nos Oratore disertissimo, mihi dederint probatas, animum ipsi ad pietatis literarumque studium alacriorem in simulum adprecantes; Non potui non spem concipere de eo maximam, fore ut, si τῆ Φύσει καὶ τῆ μαθήσει accedat ἀσκησις, quæ ἴερα, teste Plutarcho, εἰς τὴν παντὶ ἄριστον εὐαίαν δὲ συνθεαμεῖν, μὴ χαλῆ γεννηθῆ ἢ ἀρετῆ.

Id quod Tibi, Juvenis amantissime, animi-
tus vovemus & exoptamus. Denique cum etiam nostra civitas tales foveat Viros, qui Illustri Alumneo Portensi, studiorum incunabula de bent, Ephorum videlicet nostrum summe Reverendum, ANDREAM KUNADUM nec non GABRIEL EM POCARUM & CHRSTIANUM WEBERUM, *illum* de facra Æde, *hunc* vero de Schola nostra optime merentem; & vicina nostra quoque habeat, quod de ENGELSCHALLO, HOEFERO, & JAHNO, Viris undiquaque laudatissimis, maximopere gloriatur; Supremum precamur Numen, velit istud fertilissimum Reipublicæ seminarium, inque eo Doctores præstantissimos, quos inter celeberrimum in primis HARTMANNUM, Rectorem istius Scholæ Illustris gravissimum, honoris causa nominamus, omnesque illos, qui politiori literaturæ favent, nobis incolumes & perpetuos servare. Dabam raptissime me è Museo meo, IV Calend. Octobris, in Albis Anni Dionysiani CIOICCVIII.



nc.



LECTURIS BENEVOLIS

Salutem officiosissimam dicit

et simul

Adolescentem elegantis ingenii optimæque spei

HEINRICUM WILHELMUM

Liberum

Crottendorfsensem

ad Mufas in Illustri ad Salam

cum fausto omine

ac publicis ibidem Docenda

Doctrinæ meritorumque in Rem publicam

mis, reliquisque mansuet

Fautoribus ex Muner

melioem in mod

commendat.

M. CHRISTIANUS FRID

Lycei, quod est in Monti

RECTOR

Annæberga, Stanno B



is f. nou